

YOU AND YOUR RIGHTS

Pei ya Bana ba

Bana bohle ba dilemo tse ka tlasa **18 ba hloka tlhokomelo ya botswadi ba ka nna ba hlokomelwa nakwana**, ho sa natswe hore ke ba setjhaba sefe.

Pei ya Bana ba Hlokomelwang Nakwana ke **tefo ya kgwedi le kgwedi** ho batswadi ba nakwana. Ha ho natswe hore o sebeletsa bokae.

Ho tloha ka la 1 Mmesa 2018, tjhelete ya pei e ne e le **R960** ka kgwedi ngwana ka mong.

Pei ena e dula e le teng ha feela lekgotla la dinyewe le re o ka hlokomela ngwana nakwana. E lokela ho lefshwa ho tloha ka letsatsi la **taelo ya lekgotla** – le ha o ka etsa kopo ya pei ka nako e itseng ka mora letsatsi leo.

O KA NNA wa hlokomela nakwana ngwana eo e leng **setho sa leloko**.

O lokela ho ba **moahi wa SA, modudi wa nako yohle kapa mophaphathehi ya dilemo di ka hodimo ho 18 mme a dula SA** ho ba motswadi wa nakwana.

Haeba o ena le dilemo tse 16 ho isa ho 18, mme o tsejwa ke Lefapha la Ntshetsopele ya Setjhaba porovenseng jwaloka hlooho ya lelapa leno, o ka nna wa fumana Pei ya Bana ba Hlokomelwang Nakwana ka thuso ya motho e moholo ya o tataisang.

Jwaloka motswadi wa nakwana, o ka etsa kopo ya pei ofising e haufi le wena ya SASSA – ha o a lokela ho lefa letho bakeng sa ho etsa kopo.

O lokela ho nka ditokomane tse fapaneng ha o eya SASSA – tse kang ditokomane tsa ID tsa hao le tsa ngwana mmoho le bopaki ba boemo ba lenyalo Empa haeba o se na ditokomane tsena, O ntse o KA NNA wa etsa kopo o sebedisa mekgwa e meng ya boitsebiso

O tla hloka **bopaki** ba hore o hlokomela ngwana eo nakwana.

Haeba pei ya hao e ananetswe, o ka etsa kopo bakeng sa thuso ya nakwana ya mofuta wa **Kimollo ya Tshotleho Setjhabeng (Social Relief of Distress (SRD))** ha o ntse o emetse tefo ya hao ya pele. Tjhelete ya SRD e tla hulwa peing ya hao.

Haeba lelapa la hao le hlile le hloka, o ka etsa kopo ya **boemo ba bofuma** Diofising tsa Masepala wa heno – sena se ka o thusa ka ditjeo tsa metsi, motlakase le direiti tsa ntlo..

E ka nna ya ba o lokelwa ke ho fumana tjhelete ya kgodiso ya ngwana e tswang ho batswadi ba ngwana ba tlhaho kapa motswadi e mong wa ngwana. O lokela ho leka ho fumana hona ka taelo ya lekgotla

BLACKSASH
MAKING HUMAN RIGHTS REAL

“Motho e mong e mong o na le tokelo ya ho fumantshwa tshireletso ya setjhaba, e kenyelletsang, haeba a sa kgone ho ithokomola mmoho le ba lelapa la hae, thuso ya ho iphedisa e lokelang.

Mmuso o lokela ho nka mehato e lokelang ya molao le e meng, hara mehlodi ya wona e fumanehang, ho fihlella phethahatso e tswelang ya e nngwe le e nngwe ya ditokelo tsena.”

-
Karolo ya 27 ya Molaotheo wa Afrika Borwa.

BOITOKOLLO BA MOLAO: Le ha ho lekilwe ka hohle ho netefatsa hore lesedi le phatlaladitsweng mona le nepahetse, Black Sash ha e nke boikarabelo bakeng sa tahlehelo kapa tshenyo efe kapa efe e ka hlahang ka lebaka la ho tshepa kapa ho sebedisa tlhahisoleseding ena. Dikahare tse mona ha di kenyeletse keletso ya semolao. Leqephe lena la dintlha le qetelletse ho ntjhafatswa ka

Bakeng sa dipotso dife kapa dife mabapi le dipei kapa ho tlaleha bomenemene ba pei ya setjhaba, letsetsa **nomoro ya mohala wa thuso wa SASSA:**

0800 001 011

Haeba o ena le bothata ka pei ya hao, ikopanye le **Black Sash HELPLINE** bakeng sa tshehetso le keletso tsa semolao tsa **MAHALA:** paralegal support and advice:



072-66 33 739
help@blacksash.org.za

YOU AND YOUR **RIGHTS**

Pei ya Bana ba

(Sesotho - Foster Child grant)



B L A C K S A S H
MAKING HUMAN RIGHTS REAL